


رحمت دہی چھاں

جمشید کلا پنجوی



رحمت دی پھال

جمشید کلا پنچوی اعوان

ناشر

اکادمی سرایتکی ادب (رجسٹرڈ) بہاول پور

سب سے حق ناشر کے ساتھ متھیکڑے من

رحمت دی چھاں	ناں کتاب
سرائیکی	زبان
جمشید کلا نچوی اعوان	مصنف
ہمراز اچوی	فرمائش
نصیر احمد قریشی	نگران اشاعت
پہلا	ایڈیشن
ستمبر 2012ء	تاریخ اشاعت
جھوک پرنٹرز ملتان	چھاپن والے
اکادمی سرائیکی ادب (رجسٹرڈ) بہاولپور	ناشر
ریاض حسین بھٹہ	کمپوزنگ
40 روپے	ہدیہ

ملن دا پتہ

ولشاد کلا نچوی سرائیکی لائبریری

ماڈل ٹاؤن اے بہاولپور

0300-9689203

انتساب

میں آپڑیں ایں کاوش کوں
محترم سکین ارشد خاں صاحب
تے مولانا بشیر احمد مغفور سعیدی

دے

نانویں کرینداں

پہلی گالھ

نعت عربی زبان دا لفظ ہے۔ ایندے لغوی معنی تعریف بیان کرن
ہے۔ میں اپڑیں طور لفظ نعت کوں ترے ہیاں وچ تقسیم کرینداں۔ ”ن“
کنوں ”نبی“ ”ع“ کنوں ”عین“ ”ت“ کنوں ”تعریف“
یعنی نبی دی عین تعریف۔ نعت کوں صرف محمد صلی اللہ علیہ وآلہ وسلم دی ذات
مبارک نال منسوب کیتا ویندے۔ ایں وچ اساں آپ دے تمام معمولات،
عبادات، سیرت، تعلیمات کوں غزل، رباعی، مسدس، مثنوی، قطعات، کافی
دے رنگاں وچ بیان کر سگدے ہئیں۔ سرائیکی ادب وچ نعت دا ہک بہوں
وڈا ذخیرہ ہے۔ سرائیکی مسلمان شاعر کئی سو سالوں توں حضرت محمد صلی اللہ علیہ
وآلہ وسلم نال اپڑیں عقیدت دا اظہار نعت شریف دے ذریعے کریندے آئیں،
کریندے پن تے کریندے راہسن۔ او شاعر حضرات جنھاں نے نعتاں
لکھدے ہوئیں اللہ، اوندے نبی (صلی اللہ علیہ وآلہ وسلم) دے احکامات دی
خلاف ورزی نی کیتی تے انھاں داہراو شعر جیوں وچ شرک دا ہک لفظ وی نی آیا
انھاں کیتے نعت ذریعہ نجات ہے تے جنھاں نے آپ دی تعریف کوں خدائی

صفات نال منسوب کر ڈتے، انہاں دا ایہ کلام نعت دی حد توں باہر ہے۔

ایں گالھوں حضرت مولانا احمد رضا بریلویؒ ہک دفعہ فرمایا ہئی:

”حقیقت وچ نعت شریف لکھن بہوں مشکل کم ہے جیکوں لوک آسان سمجھدن۔

اینڈے وچ تلوار دی دھار اُتے ٹرناں پوندے۔ اگر شاعر ودھدے تاں

الوہیت وچ پنج ویندے، اگر کمی کریندے تاں تنقیص تھیندی ہے البتہ حمد آسان

ہے کہ اینڈے وچ رستہ صاف ہے جتنا چاہو ودھدے ونجو۔ حمد وچ کوئی حد کائی

لیکن نعت وچ ڈوہیں پاسے سخت حد بندی ہے۔“

آخر وچ میں جناب رشید عثمانی صاحب دا بہوں شکر گزار ہاں جنہاں

دے قیمتی مشوریاں دے بعد میں ایہ کتاب تہاڈی خدمت وچ پیش کریندا

پیاں۔

جمشید کلاںچوی اعوان

اکادمی سرائیکی ادب (رجسٹرڈ) بہاولپور

تندیر

صفحہ نمبر	عنوان	نمبر شمار
8	مدینے و نجوں تے و نجوں پیراں چل تے	1
10	تصور نبی سئیں داہر ویلے راہندے	2
12	رُلی ہوئی اُمت کوں و سہایا محمد ﷺ	3
14	پڑھوں سبھ درود آپاں لکھ وارزل تے	4
16	محمد محمد میں ہر دم پکاراں	5
18	خدا دی خدائی کوں سہایا محمد ﷺ	6
20	اے بادِ صبا ونج تے ایہ فریاد کریں ہا	7
22	نبی سئیں دے درتوں شفا جُل تے گھنسون	8
24	شفا پیندے ہن ونج تے بیمار جَلو	9
26	میں لا چاروی سُن چا فریاد مدنی	10
28	مِلدی پئی عِرحمت دی سوغات مدینے وچ	11
30	تریہہ حشر دے ڈینہہ مٹا ڈیسی سوہنٹراں	12
32	پیا سارا سا تھ ڈکھاں داھے	13

34	پہلے عرشِ معلیٰ سجایا گیا	14
36	آساں پاتے گل کشکول	15
38	منگن توں میں نی شرم اندا	16
40	سن گھن پکار مدنی ۲	17
42	رتبہ وڈا سرکار دا	18
44	میڈی شان عالی	19
46	میڈی سن التجا مدنی ۲	20
48	پڑھ صلوة تے بول میاں	21
50	میں ٹر آیاں درتے شفا ڈیو عربی ۲	22
52	پاک نبی ہن عالی شان	23
54	ونج تے حال سنا سو ہنٹریں کوں	24
56	دل مدینے دولاتے بیٹھے ہنیں	25
58	بھیجے رب رحمان محمدؐ	26
60	جگ توں کفر تے شرک مٹایا	27
62	میڈیاں دیداں کتھ ونج لڑیاں	28



O

مدینے ونجوں تے ونجوں پیراں چل تے
ونجوں پڑھدے صل علی آپاں رل تے

او ابھی جگہ ہے جتھوں ملدے سبھ کجھ
نیں آندا سوالی کوئی خالی ول تے

ہے محروم جیڑھا نی سئیں دی حُب توں
خدا ترس کھاسی نہ دوزخ دے بل تے

ھے قدسین دی آمد، فرشتین دی بھیڑ ۽
ادب دی اے جاھے اتھاں ٹر سنبھل تے

میڈا سوہنٹراں خیرات ڈے چا کرم دی
کھڑے ہئیں تیڈے در اُتے جھولی جھل تے

فقط سوہنٹراں تیڈی شفاعت دی آس ۽
نہ ھے ناز جمشید کوں کہیں عمل تے



0

تصور نبی سکین دا ہر ویلے راہندے
تہوں دل ترانے محبت دے گاندے

ایں در توں کئی وی نہیں خالی وِلدا
گدا بھانویں آندے تے شاہ بھانویں آندے

اساں کول خیرات ھے سکین دے در وی
ہسے اساں نوکر تیڈے سوہنٹریں ناں دے

خدا پیا وسیندے نبیٰ سیں دے صدقے
ایں رحمت دے مینہہ وچ پیا ہر کوئی دھاندے

توں کر جتنی تعریف کر سگدیں سیں دی
ثنا خواں محمدؐ دا اللہ کوں بھاندے

خدا دا کرم تھیسے پچسوں مدینے
نہ جمشید راہسن ایہے ڈینہہ ڈکھاں دے



O

رُلی ہوئی اُمت کوں وسایا محمد ﷺ
تے روندیں کوں گل نال لایا محمد ﷺ

ھے سارے جہانیں کیتے سیں دی رحمت
ترتیں کوں واہ واہ رچایا محمد ﷺ

دلاں دے آ دروازے کھڑکائے سوہنٹریں
کلام اللہ آتے سنزایا محمد ﷺ

محبت دی ماکی سبھاں کوں کھوائی
نہ سمجھیا کہیں کوں پرایا محمد ﷺ

جہنم سڑن توں بچا تے اسا کوں
ھے جنت دا رستہ ڈکھایا محمد ﷺ

نہ جمشیدِ عربی دی درساں چھوڑیں
کہیں کوں نی خالی ولایا محمد ﷺ



O

پڑھوں سبھ درود آپاں لکھ وار رل تے
محبت دے نال ایویں حُب دار رل تے

نبی سیں دی شان اچ پڑھوں نعتاں ول ول
چھکاؤں اپڑیں سرتے ایہ دستار رل تے

بلھا گھنے رحمت دی چھاں تلے مدنی
کروں عرض سارے گنہ گار رل تے

مدینے دے ونج ہوکا ملدا پیا ہے
شفا گھن گھنو ونج تے بیمار رل تے

خدا اتجھا سانگا بنڑاوے چا جمشید
کروں ونج تے روضے دا دیدار رل تے



0

محمدؐ محمدؐ میں ہر دم پکاراں
مدینے و نجف دے ودا پاٹن ماراں

جتھاں راہندے سوہنٹراں او ملکہ عرب ہے
بچے کیویں جیڑھا اتھاں جاں بلب ہے

میں ونج ڈیکھاں مکے مدینے دے منظر
جتھاں نور وسدا نظر دا ہے گھر گھر

جتھاں سوہنٹریں پتھراں کوں کلمہ پڑھایا
جتھاں چندر ڈوں ٹوٹے کرتے ڈکھایا

کرم تھیوے جمشید درتے سڈاوے
اساں روندیں رُلدیں کوں گل نال لاوے



0

خدا دی خدائی کوں سہایا محمد ﷺ
عطا کیتا رب سیں ونڈایا محمد ﷺ

جہڑا آیا ڈکھاں دا ماریا ایں درتے
اوکوں خوشیاں ڈے ڈکھ ہٹایا محمد ﷺ

گناہ گارو آؤ اتھاں آپاں جلوں
ھے رحمت دا دریا وہایا محمد ﷺ

ویندے ہن اوندے در گدا لکھاں بھانویں
کہیں کوں نہ اکھ توں چکایا محمد ﷺ

گناہگار جمشید پیا سیں دے قد میں
اوکوں کملی اندر لکایا محمد ﷺ



O

اے بادِ صبا ونج تے ایہ فریاد کریں ہا
ناشاد کوں سڈ روضے اُتے شاد کریں ہا

در تینڈے توں نکھڑے تاں کئی رہ وی فی لبھدا
قد میں وچ ایں رُل موئے کوں ول آباد کریں ہا

میں کیوں تینڈے در اُتے آنواں میڈا سوہنٹراں
کوئی حیلہ کریں ہا کوئی امداد کریں ہا

ھاں قید تے پنجرہ ھے ڈکھاں دامیڈے کیتے
دَر کھول تے ایندا میکیوں آزاد کریں ھا

ہیں تیڈے بھکاری اساں ھک آس ھے تیڈی
جھولی اساں بھر گھنسون توں ارشاد کریں ھا

جہشید توں ہر ویلے مدینے دی تڑپ وچ
گئی متاں منیں ھا ، ذکر اوراد کریں ھا



0

نبی سئیں دے درتوں شفا جُل تے گھنسون
سبھے ڈکھڑے ٹلسن دوا جُل تے گھنسون

سُخا دا سمندر پیا ٹھاٹھاں مریندے
سُچیندے ہسے اساں کیا جُل تے گھنسون

شفاعت دیاں ٹکٹاں حشر دے ڈیہاڑے
وٹڈین جڈاں مصطفےٰ جُل تے گھنسون

قبر توں حشر تئیں حشر توں جنت تئیں
کرین او سبھ کجھ عطا جُل تے گھنسون

او منگتاں کوں جمشید بن منگے ڈیندن
جیسی اسا کوں خدا جُل تے گھنسون



0

شفا پیندے ہن ونج تے بیمار جُلو
ثلیندا ہے ڈکھڑے او غمخوار جُلو

مٹا ڈیندے مونجھاں نبی سیں دا روضہ
ہے برکت اوندی ڈیکھو چودھار جُلو

جتھاں رات ڈینہہ نور وسدا پیا ہے
کروں انھاں گلیاں دا دیدار جُلو

او دربار اکھیں کوں ڈیندا ہے ٹھاڈل
جے رب ڈیوے توفیق لکھ وار جُلو

فضا ہے مدینے دی پہوں کیف آور
اتھوں تھی تے جمشید سرشار جُلو



0

میں لاچار دی سُن چا فریاد مدنی
میکوں کر چا قد میں وچ آباد مدنی

ہاں مونجھیں دا باندا ودا خود کوں کھاندا
ڈکھے دل میڈے کوں چا کر شاد مدنی

سکین زلفیں آپڑیں دا قیدی کیتا ہئی
کریں نہ کڈاہیں میکوں آزاد مدنی

ایہو جاں سخی ہے سیں دا گھرانڑاں
خدا خود پیا ڈیندا ہے داد مدنی

تیڈی سک سینے دے وچ ہے سلامت
اساڈی ایہا گجھ ہے جائیداد مدنی

کتھائیں ڈینہہ محشر دے ایہ زل نہ ونجے
آ جہشید دی کریں امداد مدنی



O

مِلدی پئی ءِ رحمت دی سوغات مدینے وچ

آپاں وی چلو گھنوں خیرات مدینے وچ

کوئی خوف تے ڈر کانتی سرکار دی نگری ہے

سرتوں سمھے ٹل ویندن خطرات مدینے وچ

گنڈھ بدھ گھنوں پاندھی سکھ ساری حیاتی دے

میل پو دے جیکر ساکوں هک رات مدینے وچ

کل نعمتاں اللہ دیاں سرکار وٹھیندا پئے
مِلدی پئی اے ہر ویلے خیرات مدینے وچ

گھبراتے نہ مونجھا تھی سرکار دے درجَل
جَمشید بدل ویندن حالات مدینے وچ



0

تریہہ حشر دے ڈینہہ مٹا ڈیسی سوہنٹراں
پلا جامِ کوثر رجا ڈیسی سوہنٹراں

گناہ گاریں دے سب گناہ دھوتے وین
بدل رحمتیں دے وسا ڈیسی سوہنٹراں

سیاہ کار بدکار سب توبہ کروں
شفاعت دے دریا وها ڈیسی سوہنٹراں

جڈاں انبیاء سارے موجود ہوسن
اُتھاں شان اپڑیں ڈکھا ڈیسی سوہنٹراں

ایڈے آوو آوو میڈے کول آوو
حشر والیاں کول صدا ڈیسی سوہنٹراں

نہ جمشید مایوس تھیویں حشر کول
سکھے خوف دل دے مکا ڈیسی سوہنٹراں



0

بیا سارا ساتھ ڈکھاں دا ہے
ہک آسرا سئیں دے ناں دا ہے

گئی ڈیوے خبر مدینے دی
دل مونجھ کنوں بہوں ماندا ہے

سب دل دے مقصد پا گھندے
جیڑھا در محبوب دے آندا ہے

محروم ہے رب دی رحمت توں
جیڑھا عشق تیڈے توں واندا ہے

جمشید دی نہیں پئی سک لاہندی
تیڈے درتے ول ول ڈھاندا ہے



0

پہلے عرشِ معلیٰ سجایا گیا
سوہنٹریں مدنی کوں ول اُتھ سڈایا گیا

پُھمیاں تلمیاں نبی سئیں دیاں جبریل نے
ایں طرحاں سئیں کوں نندروں جگایا گیا

جتنے ھرن انبیاء مقتدی بن گئے
ول مصلے تے سئیں کوں کھڑایا گیا

خاتم انبیاء دا ملیا مرتبہ
رہنما سنیں کوں سب دا بنزایا گیا

کھل مَلک تھی تے حیران ڈہدے ریہے
سدرۂ المنتہی تیں پجایا گیا

گالھ مَلدی ہے جمشید محبوب کوں
ڈوں جہاناں دا دلہا بنزایا گیا



O

آساں پاتے گل کسکول
سڈ گھن مدنی آپ دے کول

ھے عربیٰ بچپال دا در
میل ویسی سبھ بول نہ بول

حرص کوں چھوڑ مدینے ونج
اڑیں آپ کوں اتھ نہ رول

کیف آور تھیوے ماحول
نعت دا کناں وچ رس گھول

تسبیاں پڑھ پڑھ تے نہ گن
نہ کر بیٹھا بھرتے تول

مدنی آن ڈسایا ہے
اللہ سکین شاہ رگ دے کول

دل دے وچ جمشیدا لبھ
نہ جنگل نہ روہی پھول



0

منکن توں میں نی شرماندا

طالب ہاں رحمت دی چھاں دا

میکوں مونجھ منجھاریاں سے ہن

وداں دھوڑے دھکے کھاندا

ہاں کوں ٹھریندے نام محمد

کئی مدنی من کوں بھاندا

ٹردیں ٹردیں پنہہ مک ویسی
تج ویسوں دل نہ تھی ماندا

بے حد نعمتاں ملدیاں پیاں ھن
صدقہ ھے سبھ سکین دے ناں دا

نہ توں مونجھا تھی جمشیدا
مدنی تیڈے دل وچ رہندا



O

سن گھن پکار مدنی
ڈے چا دیدار مدنی

بن تیڈے کیویں آوے
دل کوں قرار مدنی

میں ڈکھ دے گھان وچ ہاں
بڈے کوں تار مدنی

اللہ تیکوں پوائے
رحمت دا ہار مدنی

مشکل کشا جو ہمیں توں
کر بیڑا پار مدنی

جھشید دے ھے دل وچ
بس تیڈا پیار مدنی



0

رتبہ وڈا سرکار دا
مدنی مٹھے من ٹھار دا

ازلوں ترسے ہیں تیڈے
پیالہ پلا دیدار دا

چن بھ آتے تارے سھے
صدقہ تیڈی مُسکار دا

ستر ہزار آندن مَلک
کیا شان ہے دربار دا

جہشید کوں جو کجھ ملے
صدقہ ہے بس سرکار دا



0

تیڈی شان عالی
ھے ہر گئی سواالی

میڈی بھر ڈے جھولی
مدینے دا والی

میڈا ٹھر ونجے ہاں
جڈاں چھاں جالی

تیڈی مونجھ دے وچ
نہ گئی سدھ سنبھالی

اساں مست مدوے
تیڈے ہئیں موالی

ملے ساکوں آقا
او عشق بلالی

میں جمشید منگتا
توں ڈوں جگ دا والی

☆☆☆

O

میڈی سن التجا مدنی ۱
فقیر ہاں میں تیڈا مدنی ۲
مدینے چا سڈا مدنی ۳
میڈی حسرت مٹا مدنی ۴

بڑے ھن آ شہنشاہ سب
تیڈے دروے گدا مدنی ۵

مدینہ بتر و نجن اکھیں
میڈے خوابیں وچ آمدنی

قبر توں لا حشر تو نزیں
تیڈا ہے آسرا مدنی



ساڈا لچپال جمشیدا
محمد مصطفیٰ مدنی

لالہ بابا کت قلم مدنی
لالہ بابا کت قلم مدنی ☆☆☆

لالہ بابا کت قلم مدنی
لالہ بابا کت قلم مدنی

لالہ بابا کت قلم مدنی
لالہ بابا کت قلم مدنی

O

پڑھ صلوة تے بول میاں
کناں وچ رس گھول میاں

الا اللہ دا ورد پکا
نہ توں آپ کوں رول میاں

دولت مدنی دی حُب دی
دنیا وچ انمول میاں

آپ دی ذات تے پڑھ درود
سگری نسی گھول میاں

تھیوے رحمت دی کن من
گالھ مدینے دی چول میاں

دل حک واری ونج جمشید
سوہنٹریں مدنی کول میاں



0

میں ٹر آیاں درتے شفا ڈیو عربی؎
پرانا مریض آں دوا ڈیو عربی؎

نہ دولت دی خواہش نہ جنت دی لالچ
میڈے لیکھ سترے جگا ڈیو عربی؎

تھاڈی جدائی فی سہہ سگدا سوہنٹراں
میکوں نال پاڑے دے جاڈیو عربی؎

بیماری میڈی داھے بس هکو دارو
میکیوں چہرہ انور ڈکھا ڈیوو عربی؎

تھاڈا سوالی ، تھاڈا فقیراں
میڈی جھولی خیرات پا ڈیوو عربی؎

اے جمشید کھانداودے دھوڑے دھکے
ایں لاچار کوں آسرا ڈیوو عربی؎

☆☆☆

پاک نبیؐ ہن عالی شان
ہن ساڈے ایمان دی جان

آپ اللہ سکین دے محبوب
چاہون والا خود رحمان

0

آپ دے نانویں لگ گئی ہے
ساڈی جنتے ساڈی جان

پاک نبیؐ ہن عالی شان
ہن ساڈے ایمان دی جان

آپ اللہ سکین دے محبوب
چاہون والا خود رحمان

آپ دے نانویں لگ گئی ہے
ساڈی جنتے ساڈی جان

آپ دے ذریعے ملی ہے
اللہ سوہنٹریں دی پہچان

اوندی مکویں نی تعریف
لکھے گئے لکھاں دیوان

آپ دی عظمت ہے جمشید
آپ تے اتریا ہے قرآن



0

ونج تے حال سٹا سوہنٹریں کوں

پھٹ ہجر دے ڈکھا سوہنٹریں کوں

نبیاں دے سرور دا رتبہ

رب کیتاھے عطا سوہنٹریں کوں

سڈ بے وس مجبور کوں در تے

آکھیں باوِ صبا سوہنٹریں کوں

اُمت دا غمخوار ہے بے شک
سب دی ہے پروا سوہنٹریں کوں

مسلے سارے حل تھی وین
ڈے حک وار صدا سوہنٹریں کوں

منگویں جو جمشیدا منگ گھن
بھ کجھ ڈتے خدا سوہنٹریں کوں



0

دل مدینے دو لاتے بیٹھے ہمیں
بیا سبھ کجھ بھلاتے بیٹھے ہمیں

مٹھے سرکار مدنی مکی دا
پیار دل وچ وساتے بیٹھے ہمیں

پوتے ہنجویں دے موتی چپلیں تے
آپڑیاں اکھیں سجاتے بیٹھے ہمیں

سکین دی اُلفت ھے ساڈے سینے وچ
ایہا دولت بچا تے بیٹھے ھیں

سکین دا دربار ھے ادب دی جا
ساہ اپڑاں سُکا تے بیٹھے ھیں

پوری تھیںسی مراد ہر جمشید
سکین دی چوکھٹ تے آتے بیٹھے ھیں



0

بھیجے رب رحمان محمدؐ
گھن تے آئے قرآن محمدؐ

ورد پکارن ڈوہیں عالم
صلی اللہ علیہ وسلم

سارے نبیاں دا ایہ امام اے
رب سئیں دا ایہ خاص انعام اے

کلمہ حق سنزاون والا
رحمت بن تے آون والا

عرب عجم دا فرق مٹایا
هکی صف وچ آن کھڑایا

ایہ جمشیدھے سکین دا طالب
رب دی رحمت ہر تے غالب



0

جگ توں کفر تے شرک مٹایا
گھن تے سخیں اسلام ھے آیا

چشمے نور اُبلدے پئے ھن
محل کفر دے ڈلدے پئے ھن

وار سوموار دے آیا مدنی^۴
غرباء کوں گل لایا مدنی^۵

کعبہ وچوں بت بیونے
کعبہ سجدہ گاہ بنڑیونے

شان حضور دی میں کیا لکھاں
فن جمشید میں پہلے سیکھاں



میڈیاں دیداں کتھ ونج لڑیاں
میں تھل مارو وچ کھڑیاں

میکیوں سڈ چا سوہنٹراں جلدی
پئی ہاں مونجھ توں جلدی پلدی
میڈیاں گزرن اوکھیاں گھڑیاں

ریت بہوں تتی ہے تھل دی
دیر نہ کرتوں ہن ہک پل دی
میکیوں ڈیندن مونجھاں تڑیاں

دل دل پئی تانگھاں تانگھاں
پیاں ہاں وچ لگن سانگاں
اکھیں وچ ہنجوں دیاں لڑیاں

کڈاں آسی شہر مدینہ
ڈیکھن اکھیں ٹھرے سینہ
جتھ ہن رحمت دیاں جھڑیاں

سوچاں وچ توں وسدیں پیارا
ڈیونڑاں توں ھے میکوں سہارا
کیوں میں خود مہارن بنڑیاں

دل سیں توں اولے گھولے
تھئے ہجر فراق وچ کولے
میں ایں عشق دی بھا وچ سڑیاں

کڈاں ونج دیدار کریاں
تیڈی چوکھٹ ونج چھمیاں
گل پاتے پھلاں دیاں لڑیاں

ملک عرب ڈوں موڑ مہاراں
ونج ڈیکھوں جمشید بہاراں
رج تے ماٹروں سکھ دیاں گھڑیاں



رحمت دی چھاں

سئیں جمشید کلا نچوی دالعتیہ مجموعہ ”مدینے دی چھاں“ میڈے سامھے ہے ڈیکھتے ہاں ٹھرداپے ڈاڈھی خوشی تھیندی پی اے۔ پر اے وی سچ اے جو نعت شریف لکھن سوکھا کم کیٹھی ڈیکھٹا پوندے جو تعریف وچ کتھائیں گھانا وادھانہ تھیوے اے سچ اے جو ریز بردا فرق آوے تاں مطلب کجھ دا کجھ تھی ویندے۔ شاعری دی سارے صنفیں وچوں نعت یا مولود شریف کول اوکھا آکھیا گئے ایں اوکھ دا ذکر کتاب دے مصنف جمشید کلا نچوی ”پہلی اپنی کالجھ وچ امام اہلسنت دا حوالہ نقل کرتے کیے۔

حضرت مولانا احمد رضا خاں بریلوی ہک دفعہ فرمایا ہئی جو حقیقت وچ نعت شریف لکھن ہوں اوکھا کم ہے جینکوں لوک سوکھا سمجھن ایندے وچ تلوار دی دھارتے ٹرٹا پوندے، جیکر شاعر و دھدے تاں الوہیت وچ وچ ویندے جیکر کمی کریندے تاں غستاخی تھیندی اے پر حمد سوکھی اے جو دک صاف اے جتنا چاہو دھدے وچو، حمد وچ کوئی بند کیٹھی پر مولود وچ ڈوہیں پاسے ڈاڈھیاں اوکھیاں تے حد بندیاں ہن۔

سرائیکی ناول ”جھوکاں تھیں آبادول“ آیاتاں میکوں حیرانی تھی جو ہزاراں لوک ایم اے سرائیکی کیتی ودن اوکھ نی لکھدے، او بندہ جیندی تعلیم پوٹی کل سائنس ہووے اوندی کتاب سرائیکی وچ آوے خوشی تھیندی اے، سئیں جمشید کلا نچوی دا ناول یکم جنوری 2000ء وچ شائع تھیا اوندے بعد انہاں اپنا ادبی سفر جاری رکھیا تے ماہ بولی دی خدمت کریندے ریہے، اچ ہک واری ول پیارے بھرا سئیں علامہ مغفور سعیدی صاحب ”رحمت دی چھاں“ داسودہ میڈے حوالے کیے تے میکوں آکھے جو اپنے تاثرات لکھ ڈیو۔

اچ جنیس 23 اگست شوال دی چارتے بدرے دی اٹھ اے اسپڈے وطن وسیب اچ بدرے کوئس اُباتے اُکرس دامہینہ آکھیا ویندے مدینے دی چھاں آئی اے تاں ٹھڈی وادے جھولے آوٹ پئے، گن آسمان تے بدل تے بھوئیں تے ملہار آگئی اے تے پرتھی عید وی سچل تھی گئی اے۔ اے تاں خوشی دی کالجھ اے حیرانی ایں کالجھ دی ہے جو سئیں جمشید کلا نچوی دی شاعری دا لکھ میڈے سامھے پہلی واری آئے۔ میں انہاں کول صرف نثر لکھن آلا سچھی وداہم۔ سئیں جمشید کلا نچوی وڈے نال آلے پیو دے پتر ان انہاندے والد سئیں دلشاد کلا نچوی (24 مئی 1915 - 16 فروری 1997) ساری حیاتی سرائیکی دی خدمت کیتی جمشید سئیں جنہاندی ترخ پیدائش 6 مارچ 1953ء ہے دی خدمت داعرصہ ادھ صدی توں زاندا اے انہاندی بھین مسرت کلا نچوی دا سرائیکی وچ بہوں وڈا ناں ہے انہاندی بھین اختر صباح کلا نچوی (مقیم لندن) دی کتاب ”سو جھل رستے“ شائع تھی اے۔ عرض کرٹن دا مطلب اے ہے جو کلا نچ آلے دے سارے بھین بھرا ماہ بولی دی خدمت کرٹن آلے ان سرائیکی دھرتی ماہ کول اپنی اکتھی اولاد تے ناز اے۔ شالاماء دھرتی دی ساری اولاد ایویں سیاٹی تے چنگی تھیوے اپنی شناس تے اپنی سچاں آپ کرے تے سرائیکی دیں آزاد کرواے تے اپنی نگری آپ وساوے (آمین) میکوں اے جاٹ تے دی خوشی تھی اے جو سئیں جمشید کلا نچوی اپنے استاد سئیں رشید عثمانی آلی کارنگی کئی بحر وچ وڈیاں گالھیں کرویندن۔ مدینے دی چھاں وچ شامل سئیں جمشید کلا نچوی دے کجھ شعر ڈیکھو۔

ھے عربی لچال دا در
مل ویسی سبھ بول نہ بول

مدنی سئیں آن ڈسایا ہے
اللہ سئیں شاہ رگ دے کول

دل دے وچ جمشید لہ
نہ جنگل نہ روہی پھول

ظہور دھریجہ

جھوک سرائیکی دولت دروازہ ملتان

23 اگست 2012